

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

**po zahtjevu privrednog subjekta Petrol a.d. Banja Luka,
Bosna i Hercegovina o obavezi podnošenja prijave namjere koncentracije**

**Sarajevo
Jun, 2010. godine**

Broj: 01-01-26-308- -I/10
Sarajevo, 14.06.2010. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu privrednog subjekta Petrol a.d. Banja Luka, Kralja Alfonsa XIII br. 9, 78000 Banja Luka, Bosna i Hercegovina, primljenog od strane Konkurencijskog vijeća dana 26.04.2010. godine, pod brojem: 01-01-26-308-I/10, Konkurencijsko vijeće, na 106. (stošestoj) sjednici održanoj dana 14.06.2010. godine, je donio

MIŠLJENJE

Privredni subjekt Petrol a.d. Banja Luka, Kralja Alfonsa XIII br. 9, 78000 Banja Luka, Bosna i Hercegovina, (u daljem tekstu: Podnosilac zahtjeva), podnio je Konkurencijskom vijeću Zahtjev za davanje mišljenja (u daljem tekstu: Zahtjev), primljen dana 26.04.2010. godine pod brojem: 01-01-26-308-I/10.

Podnosilac zahtjeva traži mišljenje od Konkurencijskog vijeća u vezi sa obavezom da Konkurencijsko vijeće da saglasnost u slučaju uzimanja u zakup određenog broja benzinskih stanica na području Federacije Bosne i Hercegovine i Brčko Distrikta Bosne i Hercegovine, te da li je saglasnost Konkurencijskog vijeća uslovljena brojem benzinskih stanica koje bi se uzele pod zakup.

Konkurencijsko vijeće je utvrdilo da se u konkretnom slučaju radi o zahtjevu za davanje mišljenja vezano za postojanje obaveze podnošenja prijave namjere koncentracije.

Koncentracijom se u skladu s članom 12. stav (1) tačka b) pod 3) Zakona o konkurenciji (u daljem tekstu: Zakon) smatra – sticanje kontrole ili prevladavajućeg uticaja jednog odnosno više privrednih subjekata nad drugim odnosno nad više drugih privrednih subjekata ili dijelom drugog privrednog subjekata odnosno dijelovima drugih privrednih subjekata na način, u skladu sa odredbama zakona koji regulišu osnivanje privrednih subjekata i njihovo upravljanje.

Član 12. stav (2) Zakona propisuje da se sticanje kontrole ostvaruje putem prava, zaključivanjem ugovora ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiče mogućnost ostvarivanja dominantnog uticaja nad jednim ili više privrednih subjekata.

U smislu člana 2. stav (2) tačka d) Zakona pod kontrolisanim privrednim subjektom smatra se privredni subjekt u kojem drugi privredni subjekt, neposredno ili posredno ima pravo upravljanja poslovanjem kontrolisanog privrednog subjekta.

Konkurencijsko vijeće je u definisanju ovog mišljenja imao u vidu i Uredbu Savjeta (EZ) broj 139/2004 o kontroli koncentracije između privrednih subjekata, posebno definiciju koncentracije u članu 3. stav (a) koji navodi "da se kontrola ostvaruje, između ostalog, i preko vlasništva ili prava na korištenje cijele ili dijela imovine privrednog subjekta".

U skladu sa izloženim, Konkurencijsko vijeće je utvrdilo da bi se u predmetnom slučaju radilo o koncentraciji privrednih subjekata, a da obaveza podnošenja prijave namjere koncentracije nije vezana za broj privrednih subjekata (broj benzinskih stanica) koji su predmet zakupa nego za uslove propisane članom 14. Zakona.

Predsjednik

dr. Stjepo Pranjić

Dostavljeno:

- Petrol a.d. Banja Luka
- Arhiva Konkurencijskog vijeća